

戊編上

耆社志三

耆社志卷六目

戊編

湛露恩禮



五
卷
五

耆社志卷六

豐山 洪敬謨 編

戊編一

湛露恩禮

耆臣之寵以恩禮自我 聖祖入社時始西
樓侍宴傳為千古之盛事逮夫 肅廟 英
宗兩聖朝相繼入社頻引耆社諸臣錫爵賦
詩 君臣慶會上下同樂上有羽翼之所下
有恒升之祝此實曠古之殊恩而越我 正
廟 純宗率由舊章申隆寵典即其德意周

洽猶湛露之不醉無歸而列聖朝優老之
恩式至今無替我聖祖尚齒之盛意也

太祖三年甲戌十月上入耆社宴耆老羣臣

宴耆老羣臣于便殿以御筆錫土田賦獲漁箭
鹽盆等物贍其養老之需

肅宗十七年辛未五月命耆社諸臣賜宴

台對入侍時叅贊官金元慶曰耆老所諸臣賜宴
事曾有成命矣即今年事無失稔之兆宜令該
曹擇日舉行恐好矣上曰其令該曹仲秋擇日
設行可也

閏七月初一日

大臣備堂引見時領議政權大運曰曾因右相所
達即有賜宴之命又因筵臣之言將有擇日設
行之舉右相之意蓋欲資聖上尊禮高年之盛
德而筵臣之語有若為大臣強促恩典者然其在
事體誠為未安且念大侵之餘賑政纔畢飢饉未
蘇國無蓄儲而即今嶺南又報旱災國家急務惟
當恤民之不暇而耆老賜宴不無侈大之嫌遠外
聽聞何以厭服人心乎左議政睦來善曰祖宗
朝耆老賜宴之舉文集中亦多有之而自今年凶
之餘賑政纔罷民不蘇息虞憂溢目國事可慮而

有此賜宴之命其在臣等之心豈敢自安乎

成命既下雖不敢強請還收而歲豐民安非無他
日則仲秋擇日之舉姑為停止是乃臣等之至願
矣上曰兩大臣身親當之故縷縷所達出於過
謙之辭而五禮儀有老人宴仲秋設行之文凡為
老人尚且與宴則今為兩大臣賜宴一二臣同叅
實為禮大臣尊高年之意既非豐亨豫大之比何
用過辭至此乎予欲待八月下教非因廷臣所達
而發也勿為更辭可也仍教曰應叅耆老參人
乎大運曰臣等二人及李觀徵金守亨吳挺緯并

五人而挺緯方在被罪中矣右議政

曰吳

挺緯亦耆老堂上而方在罪籍律文內年滿七十
之人一罪外例為容貸挺緯所坐不為不重而被
罪亦為經年當此稀濶之舉以應叅之人獨不得
預焉 下問于他大臣而處之何如大運曰臣等
方在惶悚之中不暇念及於他吳挺緯叙用事不
敢仰請若自 上叅酌處分則好矣未善曰臣嘗
見洗草宴節目則在外者及罷散人負亦皆應叅
書啓而從二品年七十之人亦有叅宴之古例矣
上曰從二品耆老之人今亦有之乎未善曰鄭樸

年七十矣 上曰前判書吳挺緯既以應叅之人
方在被罪中將不得進叅云特為叙用此外從二
品年七十以上亦為抄啓進叅事分付該曹舉行

可也

閏七月初三日

大臣備堂引見時領議政權大運曰臣等有區區
所懷敢達矣自 上特軫優老之典有此賜宴之

命臣等頃已略陳不敢當之意而得見該司磨鍊
節目則內外宣醞外又別有賜宴床自古盛宴無
過於洗草而內外宣醞之外未嘗有賜宴床今蒙
異恩實有所惶懼者今若只許內外宣醞還收賜

宴之 命則其在私心庶可小安矣左議政睦來
善曰今此賜宴實是百年來久廢之盛事臣等身
親見之榮感則極矣而第當此艱虞之日既非設
宴之時且內外宣勸外加以賜宴床一日之內三
度受賜尤有所不安於心故敢此仰達矣 上曰
今此賜宴蓋出於尊高年敬大臣之意而兩大臣
綏綏陳達如此賜宴床減除事特為勉從矣

十四日

領議政權大運左議政睦來善聯名劄子伏以臣
等昨日筵席猥陳至懇而微誠未格不賜允俞退

而耿耿終宵不已

殿下軫念臣等之年老爰舉

舊典有此賜宴臣等之感激思遇曷有極哉第茲

事之廢閣不行今已百年其間名臣碩輔之任居

台幾年至耆老者不為不多而皆未得與焉今以

臣等無似猥蒙不世有之盛典臣等惶悚縮蹐當

何如哉况今三南之飢餓未蘓嶺嶠之旱乾且甚

其他非常之灾可虞之端非一二計臣等忝居三

事之列無一事報效以弛殿下宵旰之憂徒紆

無前之榮寵於民困國危之日是重臣等之罪也

臣等非不知殿下此舉出於優禮臣等之盛意

而當此艱虞溢目之日子惠困窮之澤不及於藁
屋豐亨豫大之舉獨施於臣等四方聽聞恐有所
缺望也臣等曰此一事連日瀆擾極知僭越而終
有所不安於心成命既下若難中止則姑俟他
日乃為得宜茲敢復申前席之懇非敢虛讓實出
中心伏願聖明亟賜允俞以安微分公私幸甚
取進止

閏七月初四日

荅曰省劄具悉卿懇已諭予意於前席矣卿等安心
焉仍傳曰遣史官傳諭

左議政睦來善劄子伏以癰病老臣爵位已極年

壽已窮受恩如天圖報無計憂愛一念只自耿耿
苟有野懷必欲陳白是臣素所蓄積也臣伏覩
殿下慕唐堯之至仁法周家之美典於敦親之誼
養老之禮尤致意焉引接宗臣賜以宮醪優待孝
者將舉醕漿至於侍從臣老母咸有錫予此實盛
德事也此等恩數孰不感泣而頌祝哉第竊伏念
纔經大殺稍有穰微而顛連未集愁歎未息今日
之日決非平康之時此臣之頃從首相乞回耆宴
者也且宣醕時賜樂固非古例而諸宗臣與侍從
臣宴時及臣等宣醕之處一併賜樂三處張具法

譖喧轟榮耀雖至恩數雖感時歛舉後識者寒心
區區憂慮終有所未安者伏乞 聖明還收耆司

賜樂之命以副老臣之望幸甚取進止

閏七月十六日

荅曰省劄具悉卿懇此出於禮待耆舊之意本非豫
大之舉卿其安心焉仍 傳曰遣史官傳諭

禮曹啓曰今閏七月初一日召對時耆老所賜宴
仲秋擇日設行事榻前下教矣耆老所賜宴吉日
今日官推擇則未八月二十四日為吉云以此日

設行事分付何如 傳曰允

閏七月初五日

禮曹啓曰今此耆老所賜宴及內外宣醞時應行

節目當為磨鍊而本曹無耆老賜宴可據之膳錄
故叅考洗草宴時膳錄磨鍊節目就議于領左兩
大臣則皆以為一日之內三度受賜非但事涉侈
大於心終有所不安云而本曹則既承 成命節
目依例書入以此分付舉行何如 傳曰允閏十七

日八

一賜宴時床排五果床三度湯點點果為白令

戶曹分定舉行

為白

一賜宴時及內外宣醞

時依舊例承旨中使押宴進叅

為白

一內宣

醞床排令內侍府司饗院依前例磨鍊舉行為白

齊

一外宣醞床排則茶食五果床點點果四

度湯令禮賓寺內膳寺內資寺磨鍊舉行為白

一賜宴處所乙良令耆老所定行為白 一賜

宴處遮日帳鋪陳排設及夜暗明火炬燭等事

令各該司官負躬親進排為白 一賜宴時應

恭人負令耆老所書啓為白 一賜宴時進止

差備樂生十五名令掌樂院定送為白 一賜

宴時酒味勸花等事令內資寺內膳寺禮賓寺

官負躬親入壘進排為白 一賜宴翌日進謝

箋詣闕時細仗鼓吹所盛龍亭床卓函袱擔持

引路軍等事令各該司舉行

為白

一謝箋文

書寫官令承文院待令

為白

平祗地筆墨亦令該

司進排

為白

一賜宴處考喧部將率軍士雜

人考察事令兵書舉行

為白

一賜樂事令掌

樂院專掌次知舉行

為白

本所啓曰觀此該書節目則今月二十四日內外

宣醞時應叅人負令本所書啓事

啓下矣本所

堂上五負及從二品中隨叅人負別單書入宣醞

處所則禮書定行之意敢啓

傳曰知道

八月十日

禮書啓曰耆老所內外宣醞以今月二十四日該

行推擇事 啓下矣其日與停朝市相值更令日

官推擇則未九月初六日為吉云以此日設行事

分付何如

傳曰允

八月二十三日

九月初六日賜宴于本所內外宣醕一等賜樂

內外宣醕罷後自耆所設宴床謝中使承旨所率
下使以下則各隨等略設以饋之耆老堂上子孫
若姪有官者序坐後列各排床盡歡而罷此稀世
之盛舉不可不圖其蹟叙其事以傳於後昆而本
所無物力兩大臣及禮判各捐兼司物力造綃軸
八件分于本所堂上五員及從二品預宴者三員

本所堂上

議政府領議政權大運議政府左議政睦耒善
行知中樞府事李觀徵行司直金守亨行副護
軍吳挺締

從二品宰臣年七十以上

同知敦寧府事權說工曹叅判鄭楫漢城府右
尹金憲

外宣醞儀

其日宣醞將至執事

通禮院
官負

以宣醞置於卓上

承旨諸卓東西向拜訖仍立卓東西向執事引

班首以下俱詣卓前北向立執事唱四拜班首
以下皆四拜訖俱以次就座承旨亦就座進宣
醞床承旨詣卓東西向立班首進詣卓前北向
跪承旨以爵授之班首受爵飲訖俯伏興還就
座耆老兩堂上及諸宰各以次進詣卓前北向
跪受爵飲訖俯伏興還就座班首進立於卓西
東向承旨卓前北向跪班首以爵授之承旨受
爵飲訖俯伏興退就座宣醞行杯畢班首以下
以次出仍行內宣醞並如外宣醞之儀

內宣醞儀

其日宣醞將至執事

通禮院官負

以宣醞置於卓上

中使詣卓東西向拜訖仍立卓東西向執事引

班首以下俱詣卓前北向立執事唱四拜班首

以下皆四拜訖俱以次就座中使亦就座進

宣醞床中使詣卓東西向立班首進詣卓前北

向跪中使以爵授之班首受爵飲訖俯伏興還

就座耆老所堂上及諸宰各以進詣卓前北向

跪受爵飲訖俯伏興還就座班首進立於卓西

東向中使卓前北向跪班首以爵授之中使受

爵飲訖俯伏興還就座一宣醞行杯畢班首以

下以次出

耆社諸臣進箋謝恩

初七日本所堂上頒議政權大運左議政睦來善
行知中樞府事李觀徵行副司直金字亨行副護
軍吳挺緯從二品年七十以上宰臣同知敦寧府
事權說工曹叅判鄭櫟漢城府右尹金廩詣崇政
殿庭進箋謝恩

進箋儀

賜宴翌日設卓於正廳北壁

具紅

執事

引對舉

箋函置於卓上引儀引班首以下

具黑

出立庭

之道左執事對舉箋函置於香亭前導以出班
首以下鞠躬過則平身仍為隨行細仗鼓吹前
導陳而不作

國忌齋戒相值

詣闕由正門入至崇政殿

庭執事對舉箋函置於東階上卓上執事引班
首以下北向立承旨出請承傳承傳出近東西
向立引儀唱鞠躬四拜興平身班首以下鞠躬
四拜興平身引儀唱跪班首以下皆跪執事對
舉箋函跪進于班首前班首受函以授承傳承
傳進跪受函以授司謁以入引儀唱俯伏興平
身班首以下俯伏興平身承傳出復位引儀唱

鞠躬四拜興平身班首以下鞠躬四拜興平身
承旨及承傳退引儀引班首以下以次出

四十五年己亥二月 上入耆社 命賜宴耆社諸

臣

以太祖朝入耆社事禮曹判書閔鎮厚除知春
秋館事往江華史庫考出實錄還言無所記載
上曰信史無徵不可遽行藥房都提調李頤命曰
若全無一事則 東宮喜懼之情羣下之心莫不
缺然稍待 疋候少間日氣和暖時會耆老諸臣
於便殿 親臨錫宴亦為盛事矣 上曰此言好

矣擇日舉行事分付鎮厚曰耆老諸臣賜宴當以
養老儀叅酌作為節目而爵止五爵矣上曰耆
老諸臣錫宴則何可已乎養老之儀載於五禮儀
以此叅酌為之可也鎮厚曰凡於朝家盛禮例設
都監而今當則別無大段製造之事不必設都監
矣然戶曹禮曹及本所所用諸需令各該司進排
如都監例何如上曰都監何可設乎依所達為
之可也

三月二十七日傳曰耆老諸臣錫宴出於敬老
之意而前頭忒候亦不無少間之時似當趁此天

氣未甚熱而為之以開月擇日舉行事分付

二十八日禮曹判書閔鎮厚請對曰耆老諸臣錫

宴事成命之下已久而聖候諸節有加不敢

仰請擇期矣昨承聖教有洎日舉行之命竊

想聖候似勝於前臣民慶祝何可盡達此是無

前之舉節目之間多有稟定者故敢此請對錫宴

處所曾有便殿設行之教依此舉行乎上曰

取其廣濶欲於景賢堂為之已令補階矣鎮厚曰

王世子當為陪宴乎上曰似當陪宴矣鎮厚曰

今番設宴專為耆老諸臣而為之耆老諸臣外雖

大臣不當與宴乎 上曰宜矣鎮厚曰藥房諸臣亦不敢入參乎 上曰唯鎮厚曰承旨史官自當入侍而侍衛人負亦為依例入侍乎 上曰依鎮厚曰承旨侍衛諸人則似無排床之事矣 上曰然矣鎮厚曰承旨只令該房入侍乎諸承旨並為入侍乎 上曰何以則為好耶鎮厚曰殿坐移時或不無傳教之事並為入侍恐宜矣 上曰並為入侍可也鎮厚曰與宴諸臣年歲有差等入於者所亦有前後而今此坐次則當以爵秩歸重矣 上曰爵秩為次可也鎮厚曰地勢狹窄似當分東

西坐酒卓差備左右各設一人舉行何如 上曰
依鎮厚曰進宴時諸臣處行酒使錄事為之今亦
用此例乎抑依宣醞例別監行酒乎 上曰以錄
事為之可也鎮厚曰進宴時例設大卓今番則何
以為之乎 上曰勿設可也鎮厚曰動樂則當依
例舉行矣 上曰唯

四月 親臨景賢堂宴耆社諸臣

十八日 上親臨景賢堂賜宴耆臣領中樞府事
李濡領議政金昌集行判中樞府事金宇杭行知
中樞府事黃欽行知中樞府事姜覲行司直洪萬

朝行副司直李善溥漢城府判尹鄭濬議政府右
叅贊申錡知中樞府事任墜入叅宴禮畢領議政
金昌集領中樞府事李濡判中樞府事金宇杭進
前昌集曰靜攝之餘有此勞動殿坐許久 聖體
若何得無所加乎 上曰別無所加矣昌集曰今
日為臣等錫宴 靜攝之中勞動如此不勝惶感
之至濡曰臣等忝居耆社嘗聞 太祖朝故事矣
今日躬遭大慶特蒙 親臨一堂之內 君臣同
樂此乃千載盛事罔極之恩無以報荅只祝 聖
候康復萬壽無疆矣昌集曰今日遭此盛舉惶感

欣抃之中又賜珍盃以榮耆社

聖恩益固極矣

耆社諸臣入來承恩感祝之中切欲一瞻

天顏

而坐次稍遠招之使前使得瞻仰何如

上曰唯

字杭曰臣等不死幸遭今日盛舉曷勝感抃而瞻

望

天顏玉色羸悴眼患尚爾誠為憫切矣

上

曰李願府事遠出都門缺然殊甚終叅此宴其喜

可言卿為國之誠予所稔知而迸出都門誠為太

過今幸入來實副所望矣濡曰小臣無狀受國重

任不善做事遭此人言夫施措間有失臺諫之言

未為不可臣豈敢介懷而至於向日臺言直以害

國病民為言語意混圖非特指任事之人而已臣
何得自安耶盛舉將迫寧有退伏之意而罪名既
重不敢往入矣反承曠絕之異數近侍遠臨害國
病民等語亦為開釋至以無一毫彷彿為教臣
誠感激不知所報且錫宴已迫不敢終始退伏不得
已入來矣上曰前頭少無以此引嫌之事勿復
介懷安心行公昌集曰今日自上需此別恩諸
臣不可如是而罷仍欲以此賜孟往會耆司以為
榮君之賜梨園法樂固非所敢請者而倘蒙特
賜之恩得以帶去則尤為耆社之榮光矣上曰

分付賜樂可也 上曰金判府事常聞有酒量矣
今日盃能盡之乎字杭曰盡之矣昌集曰小臣不
能盡觴而字杭則每觴輒盡故醉矣字杭曰古語
云不醉無歸何敢不盡觴乎今日何可不醉乎昌
集曰黃欽素不能飲故不能盡觴李善溥善飲故
能盡之矣欽曰小臣篤老病昏不入前席已七八
年矣今日幸遭 聖祖以後三百年所再有之慶
跡忝耆社不敢以疾病為辭扶病進叅而坐次稍
隔於 殿內無以仰瞻 清光故敢因大臣請得
至前矣昌集曰黃欽年雖老精力則儘奇矣覲曰

臣之阻隔 清光已過十年矣自今未死之前不
得更瞻 天顏矣今日遭曠世之邦慶獲被無前
之榮光古人云一覲龍顏萬死猶足自今雖退填
溝壑更無餘憾而臣竊有耿耿於中者今日異於
他日何敢自隱耶七十休退禮法之常經臣子之
大防而若進退關係之臣固不能盡守法典而如
臣去來有無有同滄海乘鳧且有難安之勢難強
之病已作世外之人雖無職名之可辭而第念西
樞之任積年虛帶心常悚慙如坐針氈幸 聖明
俯賜哀憐俾令優游田野幽泳 聖澤則未死之

前皆天地父母之恩也。字杭曰：姜覲非矣。今日豈
請退之時乎？昌集曰：朝臣年七十者，孰無致仕之
心，而當此盛舉，乃以私情煩達事，甚不宜矣。上
曰：七十致仕，雖有古禮，朝家不許，則有不能自有
者。義無可辭，安心行公可也。萬朝曰：臣自嶺南來
後，不得入侍，今已十年矣。今日幸叨盛舉，得瞻
天顏，雖死無憾矣。善溥曰：臣以都承旨入侍，今已
多年，久未仰瞻玉色矣。今日瞻望，則肌膚雖似
消鑠，而神采則尚旺。曷勝欣忭！臣叨此盛宴，不辭
沾酒，而大臣以李善溥盡飲，陳達不勝惶恐矣。

上曰自前素知其善飲矣今日果能盡觴耶浩曰
小臣老病轉甚退處田里今日幸遭大慶雖顛於
道路何敢不來乎是以匍匐入叅得近天顏今
後雖退填溝壑無餘憾矣然古人云無已太康今
日盛舉雖係曠古之大慶願聖上常存盈盛之
戒庸以自勉又以此義下戒東宮是臣之望也
上曰所達切實當留意焉又教曰今雖相對不
能見面未知衰白果何如而自前見之乃素強之
人也精力想不甚衰而常處田里心甚缺然今則
既已上來仍留行公可也浩曰臣衰老之年屢經

大病筋力精神近益消耗不然則臣受國厚恩豈
敢忘國事耶惟此大慶非但義當趨忝臣之情理
亦何敢晏然退卧乎若不趨今番一進則更無由
仰瞻 天顏故扶舁入來矣鉉曰臣屢年不得入
侍而 聖候常在調攝之中曷勝憂慮之忱今日
幸遭曠古之大慶臣亦忝在耆列獲覩盛事非但
臣榮實國家無疆之休臣久未瞻仰矣今始昵陪
玉色雖若消瘦而神采尚旺不勝欣忭臣屢請休
退而 聖上不賜允俞 東宮亦不許候司又從
而退却常以此抑鬱而至若今日之宴雖在休退

之時亦豈敢不叅乎從今以後死無餘憾矣奏畢
以次退出

禮曹啓曰耆老諸臣錫宴吉日以四月十三日定

行事

傳曰允

三月二十七日

禮曹啓曰今月十三日

大殿親臨耆老諸臣錫

宴時應行諸事叅酌磨鍊開錄

為白去乎

依此舉行何

如傳曰允

一處所

乙良

依定奪景賢堂設行補階諸事令各

該司紫門監整齊司鑰專掌次知舉行

為白齊

一大殿

王世子床排內資寺別行果味數

司饗院酒味內資寺內酒房進排等事令戶曹

依例舉行

為白齊

一大小膳司畜署進排

為白齊

一進上絲花鳳內資寺絲勸花禮賓寺花裙

工曹叅宴耆老諸臣紙勸花禮賓寺進排

為白齊

一耆老諸臣以黑團領入叅而進不進良令

本所臨時書啓

為白

床排味數亦令戶曹磨鍊

舉行

為白齊

一

大殿進止司饗提調

王世

子進止副提調耆老諸臣進止錄事令議政府

中樞府定送酒卓差備官二員亦令吏曹差出

而俱以黑團領進叅

為白齊

一用樂節次令掌

樂院預為鍊習

稟旨施行

為白

一炬燭令

戶工曹義盈庫入量進排

為白

一本曹及各

司掌設下人令兵曹章標成給

為白

一臨時

擇日景賢堂一度習儀

為白

禮曹啓曰今此

親臨耆老諸臣錫宴習儀吉日

今日官推擇則今四月十一日為吉云中使承旨

宮官及耆老諸臣諸執事以黑團領並叅而依正

日例具鼓樂景賢堂行禮事

傳曰允

四月初七日

兵曹啓曰今此景賢堂

親臨耆老錫宴時侍衛

人負依例入侍事

命下矣錫宴儀節無可據前

例依常叅時例磨鍊節目何如

傳曰允

四月初七日

禮曹啓曰耆老諸臣錫宴以今月十三日舉行事

既已 命下矣即聞卒行判府事徐宗恭發軔退

定於今十五日云昔晉知悼子卒未葬平公鼓鍾

而飲杜蕢有揚觶之戒今大臣未葬禮不可舉樂

錫宴吉日差退於今十八日恐為得宜敢此仰稟

傳曰依為之

四月初九日

禮曹啓曰今此錫宴以今月十八日差退事 命

下矣習儀亦當退定於今十六日事 傳曰允

四月

初日

禮曹啓曰今四月十八日耆老諸臣錫宴時殿
座吉時令日官推擇則同日巳時為吉云以此時
舉行事 傳曰允二明十

錫宴儀

前一日掖庭署設 御座於景賢堂北壁南向
設香案二於堂外左右掌樂院展軒懸於堂庭
近南北向設協律郎舉麾位於西階上近西東
向典設司設 王世子次於景賢堂門外道東
近北西向其日掖庭署設 王世子位於 御
座東南西向又設拜位於堂庭道東北向典儀

設耆老諸臣位於堂內東西近南相向北上又
設拜位於庭之東西稍南北向相對為首階上
典儀位於東階上近東西向左右通禮階下典
儀位於東階下近東西向贊儀引儀在南差退
又設贊儀引儀位於西階下近西東向俱北上
設耆老諸臣外位於景賢堂門外如常司饗院
提調設酒亭於堂內近南北向設坵加爵副提
調設王世子酒卓於其南近東司饗院官設
耆老諸臣酒卓於堂外東西近北前三刻兵曹
勒諸衛陳鹵簿半仗於正階及堂庭東西堂門

內外列軍士並如儀耆老諸臣以黑團領皆就
次前二刻諸護衛之官及司禁各具服詣閣外
伺候引儀引耆老諸臣俱就外位 王世子具翼
善冠袞龍袍出就景賢堂門外入次左通禮詣
閣外俯伏跪啓請中嚴前一刻相禮引 王世
子出次西向立典樂帥工人入就位協律郎入
就舉麾位左通禮跪啓外辦 殿下具翼善冠袞
龍袍乘輿以出繼扇侍衛如常儀 殿下將出
仗動鼓吹振作將入堂門軒架樂作鼓吹止左
通禮跪啓請降輿 殿下降輿陞一座爐烟升

尚瑞院官捧寶置於案樂止述侍及執事官先
入行四拜禮如常諸護衛之官入列於御座
之後及堂內東西承旨入詣御座左右俯伏
史官在其後司禁分立於堂之階上引儀分引
耆老諸臣入就拜位相禮引王世子入就
拜位典儀曰四拜贊儀唱鞠躬四拜興平身樂
作王世子及耆老諸臣鞠躬四拜興平身樂
止相禮引王世子入就位引儀引耆老諸臣
就位典樂引歌者及琴瑟由東西階陞就位司
饗院提調進酒器樂作王世子以下離位俯

伏進訖樂止提調捧揮巾函樂作詣一座前跪

內侍跪進訖樂止提調進饌案

進案由御座南階撤案由東

階樂作提調進別果進訖王世子以下還就

位司饗院副提調供王世子饌卓供別行果

執事設耆老諸臣饌卓樂止近侍捧花盤樂作

詣一座前跪王世子以下離位俯伏內侍進

花訖樂止提調進鹽水樂作提調以空案置於

饌案之右樂止王世子以下還就位副提調

以空案置於王世子之右輔德供王世子

花執事者散耆老諸臣花提調進小膳樂作進

膳由南階退

王世子以下離位俯伏進訖還

就位

每進爵進湯時離位俯伏進訖還位亦如此儀

副提調供

王世

子膳執事者設耆老諸臣膳食畢樂止

每提調進湯副

提調供

王世子湯執事者設耆老諸臣湯凡進湯樂作食畢樂止

典樂二人當

中分東西北向立唱尊崇樂章維天之曲訖退

提調酌酒第一爵樂作提調捧爵跪進

凡進爵退爵皆

由南階

內侍傳捧置於案副提調供

王世子酒

執事者行耆老諸臣酒

凡賜酒初至以下離位俯伏跪受飲

王世子

訖俯伏

興還位殿下舉爵訖提調進受虛爵復於坵

樂止

每提調進爵副提調供王世子酒執事者行耆老酒

王提調割肉跪

進于饌案之右樂作 王世子以下離位俯伏

提調進饌額進訖樂止 王世子以下還就位

次進湯進爵並如上儀酒行五遍提調退小膳

大膳樂止副提調供 王世子膳執事者設耆

老諸臣膳訖樂作提調進撤案副提調撤 王

世子卓執事者撤耆老諸臣卓

耆老各以青袱
收裹饌餘自持

出而相禮引 王世子引儀分引耆老諸臣俱復

拜位贊儀唱鞠躬四拜興平身樂作 王世子

及耆老諸臣鞠躬四拜興平身樂止左通禮由

西門進當 座前俯伏跪啓禮畢俯伏興降復

位協律郎跪俯伏舉麾興工鼓祝樂作 殿下

降座左通禮跪啓請乘輿 殿下乘輿鼓吹振

作協律郎跪偃麾俯伏興工曷敢樂止 殿下

入內鼓吹止相禮引 王世子引儀分引耆老

諸臣出左通禮俯伏跪啓解嚴兵曹承教放仗

通禮院書負鄭厚平以大臣分付習
於儀節依錄事例權着冠帶舉行

十八日巳時 親臨景賢堂錫耆老宴東班耆

臣領中樞府事李濡領議政金昌集判中樞府

事金宇杭判敦寧府事黃欽西班耆臣知中樞

府事姜覲行司直洪萬朝行副司直李善溥漢

城府判尹鄭澔右叅贊申鉉知中樞府事任陞

左承旨韓世良右承旨俞崇左副承旨韓重熙

右副承旨趙榮福同副承旨黃龜河補階西邊東向入侍

都承旨禮曹以藥院不必入侍定棄故假注書朴弼

夔李著奉教李箕鎮檢閱申昉列在承旨座後寶劍東邊

都總官延齡君明副總管昌寧君樟西邊都總管

李觀命副總管尹慤吏判權尚游吏叅李澤與李與尹時時交替入侍訓

將李弘侍衛兵曹判書趙道彬兵曹叅判尹憲

柱副總管趙甬重元徽兵曹正郎崔宗周鄭錫

三都總經歷魚景亮都總都事趙國彬分東西侍立衛

將部將立侍衛之後司饗院都提調延齡君明檢舉提調

臨昌君焜提調礪山君枋閔鎮厚咸平君泓加

出提調密昌君檄密川君墀進花官司饗僉正

韓世箕饌品熟設次知奉事嚴慶遐王世子

座西向侍世子侍衛兵曹叅議任舜元兵曹

叅知魚有龜副提管李弘肇金德基兵曹正郎

楊廷虎兵曹佐郎尹植都提都事柳萬成宋來

翼補階東邊司饗副提調達城都正桐陽平都

正檣密平都正堞行錦南守棟加出副提調原

陽都正炅饌品看檢奉事李英輔以耆所堂上申維外孫加

設入侍講院輔德鄭績先弼善尹樟文學趙鳴
謙兼文學金雲澤翊衛司佩劍差備官翊衛閔
昌夏衛率宋徵奎佩弓矢差備官司禦安壽鼎
金宗衍負印差備官翊贊韓埏尹世恒衛率洪
受瀛副率成順錫閔應洙侍直金時教金時佐
洗馬宋必煥李絳左通禮朴師東右通禮韓在
堂相禮權始經贊儀方世謙東西唱兼引儀趙
彛鼎假引儀申侃百官引接假引儀孫德壽韓
千齡通禮前導兼引儀張遠胄權燭相禮指示
假引儀洪叙箕禁喧兵曹佐郎金民澤補階次

知繕工監監役辛泰東協律郎掌樂院正金台

壽酒卓差備官

東邊

戶曹佐郎吳晉周

西邊

長興庫

主簿申思遠進

御床於

大殿舉樂第一酌

二酌三酌四酌後

上命青帳於簷前稍休少

頃撤帳西邊酒卓與永旨所坐接近禮房永旨

以手招差備官申思遠出授銀盃具臺盃心填

金字賜耆老所輪示耆老諸臣五酌用以此盃

輪酌為

教云思遠手捧趨出宣傳

上教後

先酌東班次酌西班樂作移時乃止禮官奏禮

畢

耆社諸臣宴于本所

宴禮罷後上因賜御樂法酒歸飲本所藥房高
挺參奉孟而前樂工張樂次之耆社諸臣乘輜列
行諸子弟隨後還于本所更設宴會宴床自戶曹
辦具以進諸堂上分東西而坐行戶曹判書宋相
琦以設宴官來參與諸堂上子弟俱北向坐終日
盡歡而罷

耆臣子弟司僕僉正金濟謙

昌集子

長興主簿申

思遠

鉉子

社稷令黃瑞河

欽子

繕工假監役任鼎

元墮

龍仁縣令洪重徵

萬朝子

是日本邸内外庭觀者如堵牆而忽有二乞老
自出舞蹈庭際問其年皆八十餘饋酒以示同
樂之意

耆社諸臣進箋謝恩

十九日本所堂上領中樞府事李濡議政府領議
政金昌集行判中樞府事金宇杭行知中樞府事
姜覲行司直洪萬朝行副司直李善溥漢城府判
尹鄭皓議政府右叅贊申鉦知中樞府事任墮詰
崇政殿庭進箋謝恩

進箋儀見上

英宗二十年甲子九月 上入耆社越翌日召見耆社諸臣于景賢堂宣醞賜詩

初九日 上入耆社初十日陳賀後 傳曰陳賀

罷後耆社堂上即諸景賢堂閣門外耆社先生案

及兩序文圖帖謄錄並持入耆臣行知中樞府事

申思詰行副司直尹陽來知中樞府事李震箕知

中樞府事鄭壽期工書判書李翌龍趨入 上御

景賢堂史官奉進耆社先生案及畫像帖兩序

上命承旨趙明履讀沈喜壽所撰序文画像帖置

案展覽明履讀至王母並臨之句 上笑曰丈夫

之會引用王母誠異矣讀畢又命讀金堦所撰序文陽來曰此是自下初始之事故凡序文主意皆歸重於臣下矣讀畢又命讀鄭澥所撰序上曰此已亥以後事也陽來曰今我聖上追踵故事題名耆社若無序跋之文則太涉埋沒使文任之臣撰記今日之事實宜矣上曰宗簿譜牒亦有添書之事而此則添書似難矣思詰曰其下不可無記實之文矣上曰入侍諸臣之意如何諸臣皆曰此事終不可已者矣上曰此冊表題誰所書耶陽來曰故判書閔鎮厚所書云而不相

似矣 上曰今予追行故事至願已遂而前與諸
臣齒于太學今與卿等齒于耆社矣已亥時有錫
宴之事而今則以 東朝進宴之故不敢先行卿
等各就座當為宣醕而從容談話予亦進床受酌
以勸卿等矣仍 命進宣醕床 上視工判曰卿
之顏貌尚少矣既入耆社故謂其已老而不然則
不知其已踰七十矣聖龍曰臣之鬚髮雖未盡白
筋力已無餘地矣仍奏曰今日賀班九十二歲耆
臣及九十三歲都尉入叅豈不貴乎足稱謂壽域
矣况聞震箕乃以 太祖大王十世孫入於耆社

尤是稀貴之事矣 上曰聞卿言可謂貴矣陽來
曰宰臣中有八十四歲八十六歲兩人宜似有國
家之——特恩矣 上曰誰也陽來曰安重弼李承
源也趙明履進曰凡係——特恩非大臣不敢仰達
而重臣如是仰請雖是耆老之臣宜有推考警責
之道矣 上曰樸實矣仍謂陽來曰卿每以老病
自處而今見之不然矣陽來曰闕庭非扶掖之地
而亦不免牽挽而入如是而為人乎 上顧鄭壽
期而謂諸臣曰卿等必不知此耆臣辛壬年間東
心頗善矣仍謂壽期曰卿善教二子不為黨色予

嘗嘉之又 教曰工判則教子不善矣聖龍起伏
曰聞此 下教不勝惶恐矣酒三行 上製下詩
一句命諸臣各以一句賡進又 教曰在坐者幾
人乎明履曰九人矣 上曰然則可謂十韵排律
矣諸臣分韵賡成 命諸臣讀告讀訖 上曰下
此銀壺並與所盛之酒而持去可也已矣 聖考
以銀盃賜之今予又以銀壺賜之永為耆社之藏
矣誰當持出耶思詰曰工判當以曹司持出矣
上笑曰七十二歲曹司豈不貴乎卿能手持而出
耶聖龍曰雖重於此者豈敢不擎出耶 上命撤

床上以吏曹所上抄錄單子置于案上而覽之
曰今番加資者至於九十八人之多而昨日延秋
門契得老人三可謂貴矣又曰太祖之入耆社
乃是甲戌而予以甲戌生又入耆社於甲子之歲
雖近於漢儒傳會而豈不異乎耆臣欲以次起退
上謂震箕曰可少留聞卿為太祖十世孫云尤
可貴矣命明履書傳教曰今者之事追踵我
太祖故事而太祖朝十代孫者同在耆府可謂
稀矣漢文云老者非肉不飽非帛不煖况尚齒耆
社之日名在耆府者乎其令該曹衣資食物從厚

題給以表予意仍使讀宣其傳教于震箕震箕退
後壽期又將退 上曰卿在春坊時予知其有所
守而昨今連得相見幸矣此後似無以職名更入
之事善為休養可也壽期退後聖龍又將退 上
曰工判進前而坐俄者下教於鄭壽期也有一樊
一抑之言至謂卿不善教子卿之心如何耶此欲
玉成卿子之意也今予與卿尚齒矣聞卿只有一
子李衡萬若使衡萬去其黨心善事我元良則豈
不美乎前後以此意勉勵於卿者屢矣而終不副
予意實為慨然矣聖龍曰昨日 靈壽閣倉卒筵

中亦示 聖意臣夜歸與子相對感泣而俯傳此
教渠亦感泣矣臣十五六年久侍近密備知 聖
意所存獨何心腸不為戒飭其子使之必犯 聖
上所常惡之事耶渠於釋褐初親承勉戒之下
教亦豈敢孤負 聖上恩諭耶 上曰此注書時
事也今可記得其詩句耶明履誦達 上曰然矣
聖龍曰渠於出六後累除臺職而臣常戒之前後
略有陳疏而未嘗為黨色矣 上曰卿以愛子之
心蔽私而不能盡知試將卿子前後疏章詳覽之
則可知矣昔年予以申致雲事勉勵卿時卿以其

為不甚非其時予以卿亦有查滓為教今日所達
又如此父子之間亦無所恠予不為深非矣聖龍
曰臣雖無狀聖上下教如此豈敢為掩護其子
瞞陳於君父之前乎上曰卿之子乃卿晚出
又卿獨子予亦有年幼元良卿湏勉戒卿子切勿
為黨色無負予今日之教則此豈非為卿子玉成
耶卿今持酒壺而出以壺中酒洗滌父子之心可
也今日予言在卿父子真是藥石矣聖龍起拜曰
聖教若是申複臣誠感泣更不知所達當以今日
縷縷下教歸言於臣子渠果有黨色之心則亦

豈不惕然感泣而服膺乎仍奉壺而退 上命中
官至曲拜所替持而出 上命史官玄光字出持
事物類聚商山九老及耆英會所載卷以入 命
承旨考見其冊子各以名陳之又 命承旨讀司
馬光耆英會序文鄭元淳跪伏曰今見耆社先生
案臣之祖先最多入之矣 上曰然乎遂以次退
出

十月進宴于 東朝 命賜殿前樂于耆社

初七日進宴時 傳曰今耆之舉上承 慈旨奉
歡長樂之意坐于此殿建惟甲午此懷一倍王者

之道繼述為大子今此宴專由耆社宴畢後依昔
年錫宴例賜殿前樂於耆社令耆社諸臣持其饌
回宴本所之意分付

宴群臣于崇政殿進耆社諸臣詔訪老成之論

進宴後三日

上御崇政殿宴羣臣

上曰耆社

老臣設宴時亦請賓云耶承旨趙明履曰聞權福

請往而不許云矣上笑曰此似是非先生勿許

之意也明履曰然矣上曰今番進宴雖為之減

省而器數則不減耶明履曰大卓大小膳雖減而

味數則不減矣上曰比前存減之數承旨其知

之乎明履曰臣不能詳知矣上曰今此之舉奉
歡東朝少伸予心而但欲追孝於先王而無
可及矣今者特賜御饌而使之鼓吹前導至予
靈壽閣者欲使聞於予耳者達于靈壽閣也禮
房必須領往而都監堂上在後諸耆老之臣在後
處容及舞童在前而去可也明履曰問於典樂已
亥年例鄉唐樂隨往云矣上曰今依此為之頒
賜御饌恐先去分付該書留置同往而祭子擔去
可也禮書判書李宗城進曰日吉辰良禮儀無愆
在庭羣臣不勝抃頌之懷而小臣竊有所懷敢以

陳遠小雅鹿鳴章乃燕饗羣臣之樂而其末章有
曰示我周行周行者大道也古聖王允於燕樂之
際其求助之意如此今日之宴乃聖王入耆社
後設行者諸耆老大臣咸待宴焉古者養老而乞
言臣願禮畢之前召諸老臣咨詢老成之論則有
光於聖德故敢達矣上曰所達好矣命叅
宴耆老堂上入侍耆老所堂上申思詰尹陽來李
震箕鄭壽期李聖龍趙錫命進伏上命內侍撤
案諸耆臣進前教曰今日之宴追惟昔年賜樂
賜饌式遵舊儀而禮判所陳有足以起予今召卿

等欲建先王乞言之意也卿等其各言焉思詰曰
臣等所蒙實千古殊榮而倉卒之際有難陳達第
念以常人言之將老則必有倦怠之意而帝王家則
有異焉今日國勢人心無一可恃臣願 殿下勿
以聖筭之漸高遽生倦怠之意奮發有為臣等
之望也 上曰所陳者善矣可不勉焉湯來曰臣
以無似歷事至今曾忝已亥進宴而又忝今日盛
舉不勝感幸 聖上不知不肖待以耆舊之臣至
荷乞言之 教臣無以仰答盛意 聖上固有仁
德而又兼有公明此後惟願加勉此三者焉 上

曰所陳者深用嘉歎當留意焉震箕曰臣則晚忝
科第至今不死又覩盛禮臣身之榮則極矣尚何
敢以老成自居有所陳說乎壽期曰諸臣所陳善
矣臣不必更陳惟願聖上加勉焉聖龍曰今當
盛舉乃是國朝以來三有者而殿下上奉東
朝之日繼行聖考已行之事臣民慶忭不可盡
達固知聖意只在奉歡長樂匪出於豐豫而唐
風蟋蟀詩曰無已太康古人於燕樂之際其憂深
思遠如此况春官郎下方在冲齡只見其有可
樂不知其有可戒則此甚悶矣聖上以是詩加

勉又以此俯勉 春宮是臣區區之望也 上曰
工判所陳極善矣免桀之分只爭絲毫幾微可不
警焉雖然予今老矣予則知可免矣東宮年紀方
少輔養之方尤急卿之所陳其須書出俾春坊官
書進於東宮可也且君臣之際所當交勉予亦有
勉於卿者向夜予既有縷縷之教卿毋或泛忽十
分導成使卿子必勿為黨色他日善輔我元良是
予之心也聖龍曰 聖教又如此臣心一倍惶感
臣豈敢毫分泛忽謹當竭心盡力不負 上意之
勤摯耳錫命曰臣以不肖犬馬之齒已老入叅者

社獲觀今日盛舉慶幸之極更無所達矣耆社諸
臣以次起退 上曰唐詩蟋蟀章之意終是極好

仍 命王署長書出其章使典樂即學而歌于前
倣古人抑戒之意仍為樂府末章可也延退耆社

諸臣率賜樂宴床回本所設宴

自本所亦預備宴需以進

夜深

而罷戶曹判書金若魯奉御膳禮需判書李宗城

率法樂右承旨趙明履以禮房承

命押宴來參

耆臣子孫永城尉申光綬

思諱

前正言李衡萬

聖龍 龍仁縣令尹之彥

陽來

三十二年丙子七月

上幸

毓祥宮駐輦于本所

前下耆社諸臣宣醞之命

初三日自毓祥宮回鑾至本所前駐輦教曰
曾於甲子做司馬光故事五十一入耆社倏忽之
間居然十三載已過六十入耆社之年是豈夢想
所到今日延慕耿耿之餘輦過靈壽閣之傍一
倍此心予即料表年至于此昔日入耆社之諸臣
今幾人今已衰耗一欲召見再明日當為宣醞入
來事令耆社知悉初四日教曰耆社諸臣明日
午入來而慈殿亦有下教之事入侍承旨亦
知之當從容召見差晚入來又教曰昔耆英會

年不及而猶同況宣醞乎一則以昔年經幄之臣
望七之年位在大臣一則以昔年耆舊大臣之子
亦望七之年位在大臣而亦惟熙政頃年兩奉朝
賀賜對之時明日耆社諸臣入侍時俞判府事李
判府事同為入侍事遣史官傳諭

上御養志堂召見耆社諸臣宣醞

領中樞府事金在魯判中樞府事俞拓基判中樞
府事李宗城行司直洪重微知中樞府事李重庚
行司直魚有龍行司直柳復明行司直鄭亨復右
副承旨沈墩假注書李潭記事官李世演金和澤

入侍 上曰李重庚老矣座目以年次為之乎在
魯曰以職次為之矣 上曰有司則以年次為之
乎在魯曰然矣日熱漸酷 聖體調攝若何 上
曰一樣矣在魯曰意外有此 特恩故忍死入來
矣 上曰金致仁入來乎在魯曰朝以次對入來
而今已出去矣 上曰入耆社之時李判府為禮
堂乎宗城曰然矣 上曰金領府其時時任乎在
魯曰然矣 上曰近日萬事皆無心而獨耆社事
眷眷矣其時入耆社時或言待六十而今則六十
已過又添三載矣俞判府年雖未及即庚子玉堂

也先朝舊臣惟卿一人而李判府則李奉朝賀之子也耆社則雖不可入老人會則足可叅矣慈聖聞召見耆臣欲賜饌故召之而召見於此處者實出追惟昔年之意也在魯曰頃年六月八日召見臣及俞拓基於此室今日又有此教臣之奉慈聖於中闈逐日問安如昨日事矣今日恩召不但榮感下懷愴慕亦不可勝達矣拓基曰臣非入叅此筵之人而恩召之下不敢不入來矣在魯曰李箕鎮今年為七十當入耆社而昨年已卒逝可惜自上無隱卒之教無乃未之聞耶上

曰退後聞之而未及為矣近日李潭連以注書入侍見之每愴然隱卒之典欲從近為之矣前任南漢亦純實矣宗城曰臣與李箕鎮屢為交永深知其為國之誠國家不幸失一良臣矣上曰其執心實矣關西下去時教以善飲食而歸今不可見矣上曰鄭亨復尚剛健矣柳復明亦不衰而李重庚頗衰矣卿等之名既入於此無異入耆社矣宗城曰前例則有之矣上曰試陳之拓基曰祖宗朝有以叅判入之者宋贊睦詹年七十八以叅判入之矣肅廟初年以耆社之無堂上故叅

判趙壽益故留守李後山皆以叅判入之而不許
變品矣宗城曰皆可為旁照矣上曰領府事之
意何如在魯曰今雖不入幾何而入之乎拓基曰
自古文臣正二品年七十以上始許入之故故相
許穆以遺逸入之終至見拔仁祖朝有元勳武
臣位至台閣年七十者諸議欲許入先正臣金尚
憲以耆社堂上防之不許云此乃流傳之言正卿
七十許入之規便同祖宗成憲今不可變改也
上曰卿等無異入耆社則自耆社歲時存問何如
拓基曰此亦格外之事矣在魯曰此言是矣事多

拘碍矣 上曰然則置之可也仍呼馮耆社懸板

綸音 命領府事金在魯書揭又 命持來入耆

社時日記 上曰其時堂上申思詰外皆已作故

予心甚愴然矣仍呼馮致祭文訖 命賜饌仍

教曰今日入侍承史以年少之人叅於耆社會來

頭似皆入之矣予為之祝年可謂有福矣


堂上行知中樞府事申思詰病未進叅行副司

直尹鳳朝漢城判尹李匡世在外

耆社志卷七目

戊編二

湛露恩禮



世宗憲

御筆

卷之三

耆社志卷七

豐山 洪敬謨 編

戊編二

湛露恩禮

三十四年戊寅十一月台見耆社諸臣講大學

初十日 傳曰明日內局日次相值晝講今日為

之時刻午正三刻耆社諸臣晝講後當引見入來

晝講訖 上曰汪書出去率耆老諸宰入侍耆臣

行副司直魚有龍行副司直洪重徵行副司直柳

復明行副司直鄭亨復副司直朴致和知中樞府

事俞最。基知中樞府事。宋昌明入來。上曰。世子
憲學而人君養老。皆敬老之意也。予不可踞床而
見。遂起立曰。承史亦起立可也。有龍等以次進伏。
上曰。孟子不云乎。西伯善養老。古者養老。宴凡於
高年。皆興載於五禮儀。況耆社諸臣乎。予為卿等
起。立即敬老之意也。今日見卿等。卿等亦老。予心
一倍矣。亨復曰。臣等再昨午入侍齋殿。今日入侍
下情不勝愴新矣。上曰。卿等年幾。何有龍曰。臣
八十一歲矣。致和曰。臣七十九歲矣。重徵曰。臣七
十七歲矣。復明曰。臣七十四歲矣。亨復曰。臣七十

三歲矣最基曰臣七十歲矣昌明曰臣七十歲矣
上顧魚有龍曰卿是耆社行首年亦行首矣至於
鄭亨復柳復明俞最基尚不老足為國事矣又顧
朴致和曰頃者亦言之而卿之得壽以馱柴之勞
苦卿今能馱柴乎致和曰臣今為永感下而若父
母在則雖今日亦可馱柴矣上又顧柳復明曰
予之禁酒所以成卿之意卿心亦好乎復明曰臣
心亦幸矣上顧俞最基曰卿以儒臣昔年與李
領府事持詩傳入侍今則君與臣皆老矣今予復
講而今日晝講後見卿念故多愴矣最基曰今

殿下春秋晚暮雖常人太用筋力則不無潛消暗
爍况至尊乎臣曾以玉堂出宰關東時亦以愛
護聖體陳奏矣伏望益加保嗇之方焉上謂
俞最基宋昌明曰二人皆舊時儒臣矣又曰諸宰
中筋力孰勝最基曰皆好矣上曰韓師得在外
乎筋力何如昌明曰與臣同庚而筋力亦好矣
上謂朴致和曰在鄉時喫苦故不老在京時則太
便故易老須養年也致和曰臣在鄉則已饑死矣
在京故以國恩為生是為養年矣上笑曰予之
所謂則用身養年矣上曰昔則有司堂上以入

次為之今則以年次為之此乃金奉朝賀所定也
上曰耆社所入之數幾何昌明日米二百餘石錢
一千餘兩矣上曰待卿等之需幾何最基曰堂
上多故不足矣上曰第言十二月排朔之數最
基曰錢五兩餘矣節目則一朔所給粥米十斗錢
數兩而今則不能繼昔者以漁鹽稅貢之矣今皆
入於均廳矣上顧鄭亨復曰卿亦為有司其知
之乎亨復曰古則漁鹽稅千餘兩矣今則均廳只
以數百兩給代矣上曰太學必盡給代若有耆
所書吏隨來者則必知之矣全數給代者何處乎

卿為惠堂出去問之可也亨復承命出去時上
曰彼重臣太精精矣顧魚有龍曰卿與故國舅咸
原君誰為兄弟乎有龍曰國舅乙卯生而長於臣
三年矣上曰大抵耆老堂上之多近年初有鄉
人雖有冒年者而享壽者蓋亦多云矣致和曰鄉
人亦多有之矣上曰初入耆社則肅謝於靈
壽閣而奉審乎有龍曰初入則肅謝後無常奉審
矣上謂朴致和曰卿是講經尚能誦書乎致和
曰時時誦之矣上曰貴矣昨於舊第行講且思
耆老科恍若夢焉今日與卿等會之持入大學一

卷與卿等為耆老之講可也即命史官持大學以
入上曰申思詰年幾何致和曰八十八矣上
曰誠貴矣致和曰申思詰反如小兒左右羅列飲
食而坐肌膚潤澤勝於少時矣上笑曰羅列者
何許飲食致和曰如棗栗藥果之屬上曰藥果
能喫乎藥果能喫則食必不減矣見卿能酬酢乎
致和曰對臣酬酢甚詳悉矣上曰左相兵判見
其老父之如此故能安心矣上曰此會若添二
人則可為香山九老會今日君與臣之會誠貴矣
亨復還入奏曰問于惠廳吏則他司或有準數給

代者云矣且曰洪重徵來待閣外矣 上命燕史
召入重徵進伏 上曰見卿久矣甲戌年以工判
入侍于 真殿今始見卿心甚多愴矣彼重臣科
何年耶有龍曰與小臣同榜癸巳增廣矣 上曰
今日召卿等無味故讀大學卿等亦次次讀之可
也 上先讀大學初大文訖 教曰彼兩重臣乃
舊日儒臣也予之講聲何如最基曰父母之年一
喜一悞今伏聞 玉音之高低懸吐依然如昔臣
實忭喜矣耆堂七臣以次輪讀初大文訖 上謂
俞最基宋昌明日彼兩臣則以舊儒臣幾年後復

讀乎最基曰小臣之今日復讀此書榮莫大焉

上曰文義奏之也此亦乞言之意也自行首次次
奏之可也 上又笑曰大抵十五歲所講之書講
於六十五歲俗所謂不少矣有龍曰明德者人得
於天者也必明此然後祛物慾之累明本然之性
矣重徵曰大學之道本明之德必明之勿為人慾
所昏矣 上曰本明之本字好矣本明之德明之
其可易乎重徵曰雖未易而若做工夫則豈有不
為之理乎古之賢聖皆能為之矣 上曰舊讀能
不忘而尚有領會者矣復明曰明德明之則可以

新民而至於鼓舞之則極矣 上笑曰彼重臣老
矣氣小減於前矣亨復曰諸臣既皆各陳文義別
無仰達而 殿下進講中庸今又繼講大學夫中
庸之一篇樞紐誠也大學則敬也誠敬二字常常
體念焉 上曰誠敬二字好矣致和曰明德虛靈
不昧當初則純善無惡而為物慾之蔽矣所貴在
於益明而如新民之新字人君能新其民則使民
革心革面矣 上曰其可易乎致和曰革心革面
之化 殿下已行之矣 上笑曰頃者崇文堂入
侍卿能直言今則諂言矣致和曰小臣年今八十

矣何為而諂也 上曰其言好矣最基曰欲明德而德難明欲新民而民難新且至善者極工也惟以加勉為心常以難為之事知之勉而又勉省而又省以致於至善臣所望也 上曰所奏好矣止於至善予恐未能焉實愧矣昌明曰臣無別為仰奏而大學者三綱領八條目也窮理講之則自至於聖學之極工矣 上曰所奏是矣文義訖 命書傳教曰昨望耆社 靈壽閣今日召見耆舊諸臣迺惟昔年己亥又憶 真殿齋宣入侍此心一倍孟子曰五十非帛不暖七十非肉不飽漢文曰

老者非肉不飽非帛不暖亦此意也今聞每朔養
老之需不若古云噫西伯凡老猶養況耆社諸臣
乎均廳未給代者一併準下以示予意噫望七之
年召耆舊之臣君臣行者耆老講亦豈偶然哉承旨
書訖 上曰承旨年幾何李錫祥曰五十九矣
上曰承旨亦近六十異事也 命上承旨草紙草
筆注書鑰視降交椅曰踞坐書字不便矣以 御
筆書曰歲戊寅陽至月上旬特召耆老諸臣行者
老講於恭默閣手筆親書面賜入侍之人副司直
魚有龍洪重徵柳復明鄭亨復朴致和知中樞俞

最基宋昌明也因令鐫揭于耆英館教曰此書
刻板後諸堂各印一本持之又手書于金奉朝賀
在魯曰今日耆老講師未叅焉心甚愴然手書以
賜卿須勿謝仍教曰此則入侍注書傳于金奉
朝賀家可也

三十六年庚辰正月召見耆社諸臣宣饌賜詩

二十日召見耆社諸臣勲府堂上諸耆臣升階

上命別監扶而上之上曰以耆社所入之次而

坐耶右承旨洪傑性曰以年齒序坐矣上命入草

紙以御筆書下御製曰舊編次人讀之讀訖

上曰其一賜仁平君其一卿方為有司堂上可以
持去矣詰輔曰當懸板於耆閣本寫則臣當奉去
矣 上曰圖畫作帖一件內入八侍耆堂及八侍諸
為分持御製作帖一件內入八侍耆堂及八侍諸
臣各一件賜給樂性曰今日乃耆英會異於他八
侍自 上當設几杖矣 上曰何必几杖為也樂
性曰雖不設几杖圖繪時可以画出矣 上曰唯
詰輔曰 聖上每推遜下之恩而臣等未伸在下
之情似非大學絜矩之義矣 上曰此會亦絜矩
也樂性曰再昨夕空過不勝感嘆矣 上曰今日

之事亦詔恩也祖孫父子稀貴矣同副承旨使之
入侍身復曰丙子齋殿入侍自東朝宣饌臣於
今日有社飯之感矣上曰於其時入侍乎願謂
金相奭曰卿於丁丑為都承旨乎相奭曰然矣願
朴致和曰年後何致和曰八十一矣重徵曰臣生
存至今獲瞻耿光奉玩御製光彩照人雖退填
邱壑更無餘憾而第有區區微懇敢此仰達矣臣
之父子受國厚恩致位崇班而絲憂莫報居常慄
慄先臣晚年屢上休致之疏而未蒙恩許平生遺
恨遲臣之身終志述事歸報先臣於地下是臣耿

耿之懷而臣癰病聾聵作一未冷之屍致身無路
泯默至今忽伏承今日入侍之命臣不但以一
覲龍顏為幸兼有私懇忍死據曳而咫尺天威
顛仆失措如此而寧有重入筵席之理乎因此機
會敢陳乞骸之請倘蒙矜諒特循微懇則上而戴
生成之澤下而遂先臣未伸之志竊不勝區區仰
祝矣上曰所陳之意美矣予當特循卿懇矣樂
性曰感泣無地矣上命傳教曰行司直洪重徵
今日入侍懇請休致其志可嘉特允其請政官牌
招開政即為下批仍教曰卿步為難仍留謝恩

可也 上命入草紙樂性奉入 上曰如彼之人
可貴矣於永安尉為幾寸親乎右承旨卿六寸孫
笑承旨之家奉朝賀今始出矣 上以御筆書四
言以下重徵進前伏受曰為人臣豈料被此恩榮
乎 上命退休願謂李詰輔曰耆社同班又與之
奉朝賀同班矣詰輔曰亦為七寸親矣翌日次對
入侍 上曰洪重徵可貴矣其父乃已亥耆社臣
夜深後肅謝當怨吏判其處義有終始予每思大
臣請用其人之言為之愴然其大臣所奏是矣

本所堂上奉朝賀李詰輔行司直鄭亨復判尹

金相奭行司直朴致和行司直洪重徵入侍

十月 上御景賢堂召見耆社諸臣

十八日 上御景賢堂召見耆社諸臣李誥輔鄭

亨復俞寧基洪階禧入侍 上命承旨書興懷文

仍命入侍耆社首堂書揭于耆英館願語中官

曰日寒麤冷從速頒宣諸臣饋麤飯 教曰日寒

老人先退可也亨復進前奏曰臣老矣登筵常潤

今日耆席得瞻耿光感泣何極竊有所懷敢此仰

達矣 聖上三講三對之外近接臣僚殆無虛日

憂勤太過費精又多臣願保養然後可得康寧而

竊恐不知不覺之中有所欠和之慮矣 上曰老
臣之奏至可矣予豈不知當可加勉矣亨復曰齊
桓公賜麥邱老人衣食老人曰願賜國中老者飢
者臣伏願 聖上以今日宣勉之至意益為推廣
之惠焉 上曰至好至好敢不服膺仍命書傳教
曰今日行司直鄭亨復以保蓄心神勉我且引麥
邱老人之言勸我老臣之言其誠切實今下詔帽
特賜于鄭亨復以示予意

三十八年壬午正月召見耆社諸臣宣饌賜詩

初八日 傳曰耆社諸臣親功臣晝講後入侍是

日行中甸講此乃追慕之意仍召耆社諸臣帶礪
勲臣而賜饌一則挈矩者一則不忘功也申時

上御景賢堂召見耆臣奉朝賀俞振基奉朝賀李
詒輔判教寧魚有龜奉朝賀徐宗伋行司直鄭亨
復俞寅基朴致遠韓師得宋昂明右叅贊李鼎輔
勳臣李景祐以次進伏上曰俞奉朝賀入來而
彥鉉扶入乎李鼎輔則其中少年也振基進前
上曰見卿久矣振基曰歲前後甚寒連日勞動

聖候若何上曰料外又添一年氣亦勝矣振基

曰聖筭漸高而聖候康寧下情不勝欣幸而

第聖人志氣固無所減血氣則有時而衰惟願益
加蓄養之道焉 上曰以文王優老之意特欲見
卿今見卿又見金致仁益思金奉朝賀與卿同朝
之事也齊殿見卿等在何年乎拓基曰此是甲戌
六月事也 上曰昔年耆社似不多而今則頗盛
可謂壽域乎拓基曰 肅廟朝似不過五六人而
今則為十二人徐命彬未叙用金相夔病甚其餘
皆入來矣 上曰卿等各陳年齒有龍曰臣八十
九矣宗伋曰臣七十五矣亨復曰臣七十七矣致
遠曰臣八十八矣昌明曰臣七十四矣家基曰臣

七十四矣鼎輔曰臣生逢

聖世新入耆社莫非

聖化之所霑矣

上笑曰卿則不入於四民矣

基曰日前大臣諸臣之請出於至誠愛日之忱而

殿下一向守拒不勝抑鬱矣

上曰今年則予有

所定矣諸耆臣齊進曰大臣所陳國朝自有典禮

聖上不可強拂矣

上曰予已仰奏心亦守定大

臣諸臣明日朝參後必將繼之而昨今以後予將

伸脚而安臥矣

上教鼎輔曰卿初入耆社耆老

所近甚殘癯矣鼎輔曰均役以前以漁箭補用矣

今則他無用手至於節米亦不得如前分給云矣

上曰明日朝參卿必入未知入以養可也仍命
賜饌又下御製拓基曰既宣盛饌又賜手書
臣等惶威之愧難以盡達矣日勢已暮臣等退去
之意敢達矣仍退出

二月召見耆社諸臣賜詩

初六日傳曰兩奉朝賀外耆老諸臣有入來者
使之入來知中樞府事鄭亨復知中樞府事俞最
基入侍上面賜四言詩

三十年癸未二月召見耆社諸臣

初四日傳曰兩奉朝賀入來事還史官傳諸耆

社諸臣亦令入來午時 上御景賢堂召見耆臣

奉朝賀金尚書

追進

耆臣奉朝賀俞拓基奉朝賀

李誥輔判中樞府事李鼎輔知中樞府事魚有龍

行司直徐命彬判教寧府事鄭亨復知中樞府事

朴致和行司直韓師得行司直宋昌明知中樞府

事俞宗基知中樞府事金相奭承旨洪良漢假注

書柳知養記事官李東顯李崇祐以次進伏 上

曰今日為耆老會矣兩奉朝賀皆頗好矣予今年

真入耆社故又寫真一本并甲子

御賜本掛之

壁上卿等宜進見矣拓基曰昨日小臣不得瞻見

御容下懷悵甚今日蒙恩入侍不勝喜幸 上曰
卿乃昔年簪筆之臣須詳見也拓基曰丁酉溫幸時
臣以翰林扈從而 殿下亦以雲劍往來問安班
故臣於其時仰瞻 天顏甲午 御容此其時亦少
異今者 御容可謂七分摸也 上曰雖平日罕
入侍者亦似知之矣仍 命諸臣進御容前瞻玩
良漢曰臣等亦當仰瞻乎 上曰與汪書同為進
見可也 上曰昔年已亥賜宴此堂今欲使卿等
療飢而亦為各寫一真留蹟於著英館可也尚魯
問 候 上曰卿雖非著臣欲與卿從容一見卿

須代卿兄與卿從兄同恭此會可也仍下 御製
二句曰諸臣亦廣進可也 教孺鼎輔曰卿須誦
昔年慶賀詩數句可也東坡曰私詩不可多誦矣
上曰誦之者好矣止之者亦好矣良漢曰俞軍基
至今讀書云矣 上曰洪小學童子耶須誦若干
篇好矣予欲聞數十年前玉堂之聲矣

四十年中正月召見耆社諸臣

初三日 太廟舉勳時 傳曰歲首朝恭其名宜
願初歲定以辰正三刻正門禮畢後二品以上當
便殿召見奉朝賀與耆社諸臣亦為來待初四日

午時 上御景賢堂召見二品以上耆社堂上奉
朝賀俞拓基奉朝賀李誥輔判中樞府事李鼎輔
行副司直鄭亨復行副司直朴致和行副司直韓
師得行司直俞竄基京畿監司沈星鎮以次進伏
上教拓基曰嗟八相見誠好矣今日入侍諸臣可
以宣慰而貢果適來可以替賜以表予心仍命
中官大臣則各賜二枚諸臣則各賜一枚訖 上
曰金尚翼尚不乘常入侍社矣 上以御製賜拓
基又下致和曰前日以卿之直予為辭職上疏一
次矣今日君臣一堂可謂貴矣雖曰有例事實苟

艱穡歟 聖世乃有直臣今同耆社望八書示其
在重慶問容直氣之道豈可止此行司直朴致和
子若孫中令該曹問名懸注調用以示予意

十月 上幸耆舊諸臣行賓射禮

初三日大臣禮堂入侍時 上曰噫昨年予年追
踵國初 聖筭今年誠即國初入耆社之年也噫
甲子效司馬光耆英故事入耆老所承 慈教勉
強受宴亦不欲張大因以其饌其樂賜宴耆社此
仰述已亥故事也予千萬萬夢想之外逢昨年初
強受賀於勤政舊址歲初仍行耆老科一則追慕

國初一則仰述矣已前例一則欲繼丙子舊禮也
吁嗟今年百慕叢集雖望拜展謁酌獻拜 靈壽
閣此則常年亦行者何以仰述未頭庭試追慕異
焉噫與文臣年七十以上同入者社以千乘之尊
君臣一社此往牒所無今年若無揄揚之事盛烈
將泯於來世無例之者社尊年初行況已有例者
乎雖然予意凡事不欲張大同年追慕一也靜中
有思夜夢興感召承宣而呼寢睡覺未果何以瀉
懷初九日忠良科庭試日先為懸題仍與宗親文
武二品以上年七十一人行耆舊火射禮後當行武

庭試噫今予以帷代簪通一以占陰八之年氣之
衰不衰一以占鄒書之反求諸已之訓體不體而
吁嗟國初盛事不泯乎來世之意也昨冬增廣唱
榜行於初業舊基今春耆舊大射禮將行於中興
舊闕亦豈偶然也哉承旨趙雲達曰耆舊大射禮
今已命下舉行之節當成節目以入而處所則
何以為之乎上曰節目書入處所以建明門為
之仍教曰大射禮時上下帷布以六一閣所藏
耆取用帷布決勿為着恭一依今番朔試射例舉
行拾與弓矢自內造備得中者賜帛以矢數舉行

頒醴酒時角觶以癸亥所用者取用宗親文武二
品以上從願舉案除習儀又傳曰今番大射禮
即與舊舊行之只試射者行禮而官行禮置之地
於上旬日命設忠良文武科又與宗親文武二
品以上七十人行大射禮於慶熙宮之建明門張
熊帷奏雅首之樂上發乘矢連獲二矢命帳
藏六一閣仍進著社臣奉朝賀俞拓基李誥輔于
前降所御弓矢親書四言詩四句命藏于著
社更設康帳命侍射諸人及著臣射之中者錫
弓不中者罰以角觶

是日耆臣陪射奉朝賀俞振基奉朝賀李詰輔
行副司直鄭亨復知中樞府事俞振基京集觀
審使沈星鎮知中樞府事李泰和

四十年乙酉正月召見耆社諸臣

十五日陳頌後 上御景賢堂召見大臣國舅耆
社諸臣宗臣年六十以上人耆臣奉朝賀俞振基
奉朝賀李詰輔判中樞府事李鼎輔行副司直鄭
亨復行司直俞振基知中樞府事沈星鎮工曹判
書李泰和以次進伏 上曰禮判頂有賜饌之語
世孫果設饌矣卿等第獻違切湯予當看以受觴

矣世孫俄果進饌欲以苦口之達功洗腦此果為
孝乎予服達功湯而延壽又將受賀於卿等矣諸
臣曰向者下教之後雖不敢強請而人子愛日
之心專在飾喜老萊子以斑衣舞悅親心此是臣
等之至願也上笑曰然則卿等何不着五色衣
而來請乎諸臣曰三十相尚遠今日雖少仲微愧
羣情一倍抑鬱矣上笑曰俗所謂食又欲食也
設宴非卿等自辦即予費財也世孫以千千歲為
祝故予曰何不以萬萬歲為祝云矣卿等又欲在
言欲誅世孫乎世孫方侍坐欲使卿等識面且有

小饌果遲留卿等矣 教李詰輔曰卿何不受宴
於李福源牙予所不知中世孫果設饌便是設宴
更勿以一宴字強聒也拓基曰臣亦有老母撫謙
太過只設小饌臣心至今追悔矣亨復曰丁饌年
前臣入侍前席自 上下詢臣兄之年臣以七十
四歲仰對則又 下教曰卿亦享年為期矣犬馬
之齒今為八十此則 君賜之年也此後入侍未
易又無報答之道惟欲以華封之祝仰祝矣 上
曰言甚貴矣 上賜饌諸臣共啜而退

八月 上幸耆老所展拜 靈壽閣召見耆社諸臣

宣饌

二十八日

傳曰是惟昔年

聖壽因編輯見孔

聖年歲豈今日少二年少一年予心一恠今日拜

靈壽閣宣醞耆社而來世孫隨駕第殿以午正三

刻只二品隨駕

上率王世孫至

靈壽閣

命

耆社諸臣及大臣國舅儀賓同行展拜禮仍御

于耆英館

王世孫西向侍坐耆臣奉朝賀俞振

基奉朝賀李詰輔判中樞府事李鼎輔判中樞府

事朴致和行副司直鄭亨復行副司直俞家基工

曹判書李泰和知敦寧府事沈星鎮等八人各以

次北向進伏 上曰今日欲宣醴召卿等矣使各
陳其年紀拈基曰臣七十五矣詰輔曰臣七十五
矣鼎輔曰臣七十三矣致和曰臣八十六矣身復
曰臣八十矣寔基曰臣七十七矣泰和曰臣七十
二矣星鎮曰臣七十一矣 上曰卿等亦各以其
年祝世孫也諸耆臣就 世孫前拜獻其年 上
喜而笑之命進饌 世孫請稱觴 上許之諸臣
亦隨而各獻觴 上命鼎輔文以記述一入于內
一入于 東宮一藏于耆司永久傳之

四十五年己丑三月宣醴賜樂於耆社宴會又賜詩

及帛

是歲

聖上寶算躋七十有六二月

王世孫率

百官上壽于大庭

上命耆老諸臣會議于本社

教曰今聞耆社諸臣來月當耆社宴會云依甲子

例賜樂三月初三日以冰傳色口傳教曰此則

耆社即廳分付且明日設宴前冰旨馳往宣醞而

來又下備忘記聞今日之設宴意雖若何異於正

日故其默今問卿等休云嘉卿等心其於再明耆

舊皆歡其欲賜于今月若何故只令承宣代賜

樂以宣醞卿等循例張樂以歡焉初五日耆臣行

知中樞府事李益炆行知中樞府事南恭齊奉朝
賀南有容行副司直尹鳳五行副司直沈星鎮行
副司直金始煥知中樞府事李吉輔行副司直李
光溥行副司直李之億行副司直安允行工曹判
書金尚重會本司設宴 上遣承旨宣醞賜詩又
以 御筆書示諸耆耆曰卿等皆歡若臨設見獻
其一盃仰瞻 寶閣此府朝鮮賜卿等帛一疋下
脩忘記耆老所諭效漢文之意今日宴會諸臣令
該曹賜帛一疋

十月 上御崇政殿日臺行耆耆朝參

二十日 傳曰今與同老同依者即耆者也當於
崇政殿月臺行耆耆朝叅乞言黃耆午時 上出
御崇政殿月臺耆耆朝叅入侍時行都承旨鄭尚
簿左承旨尹東昇右承旨李性遂左 副承旨李
培右 副承旨徐命善同 副承旨徐有 寧假汪壽韓
德厚李範濟編修官金聖澈記事官 李鼎運以次
侍立 上曰七十以上為前隊六十 以上為後隊
二品及堂上堂下不以職年齒序立 呼唱訖 上
曰舉案入來乎堂下盡為入來其數 多矣可謂壽
世界矣 命尚簿讀舉案 教曰一庭黃耆有葵

言者各陳所懷願勿學近來耳目之姍姍朝廷之
吞炭有謨入告可也予行古聖已言之制意蓋深
矣李益炆曾請祭老人星必飛頭上來矣尚淳曰
果上來矣上曰各以姓名年齒奏之益炆曰臣
年七十二矣上曰尚少矣益炆袖出七十以上
老人名錄曰今此耆耆朝叅實是曠世盛事願令
朝臣中勿論實職前銜自七十歲至九十歲錄成
一通則多至一百八十餘人壽考之盛前古罕聞
此實由於實筭彌高聖德編歷之致臣等所
祝惟在岡陵矣上命讀列錄益炆曰今承乞言

別無可奏敢以節宣攝養仰陳矣今 殿下益勵晚
政臣無容加勉而目今悠悠萬事無過於保
聖躬聖躬康寧然後國事可做民事可議而 殿
下徒知萬機之憂勤而反有忽於暮年靜攝之方
繼自今益加安養之道凡於動作必思審慎施措
深戒粹處是臣區區之望矣 上笑曰卿以密昌
之子有此所奏意則好而學問則可以自勉此則
非予所自勉也予何以安養精神而亦宜知受德
謨乎益炷耳三仰達曰奉承 聖教後可退矣
上曰卿志美矣予當體念矣領議政洪鳳漢自

陵所復命入侍 上曰領相聞今日此舉速速入
來有意矣鳳漢問 惟 上曰如前矣小學立教
篇數日輪講而今日又為乞言之舉矣鳳漢曰
聖教如此臣實欽仰矣 上曰李益炆勸予安養
意則好矣鳳漢曰然矣知中樞府事南恭濟曰近
來科舉頻數為弊多矣一年所取小不下四五十
人朝籍日增勢難一一疏滯白首紅牌不沾一命
者殆至其半亦宜無抑鬱之心乎其所以廣取魁
悅者適足為感傷和氣之歸且以考試之法言之
七八千文試券了當於片晷之間為試官者不暇

精擇隨手立落以致倖第之居多不文不書者隨
波奔蕩科場之亂雜已是目下難揀之弊而一占
倖科舉懷分外之望躁競成風世道日頽朝廷者
四方之標準而朝廷若此何望其正萬民之效乎
臣意則罕設科目為當今第一務不然則稍變其
制以為揀獎之道恐不可已矣 上曰好矣鳳漢
曰此乃重臣所常耿耿者而大抵即今科舉不可
不稍加釐正矣 上曰非一時講定者作為冊子
後日登對以類行副司直金始煥曰臣居僻村不
省世事時接過去朝紙則奮勵 聖心責勉羣工

十行絲綸勤勤懇懇臣於此實有公明宣一見決
矣之心私自語曰從今以後世道可變紀綱已舉
夷考於後則百度漸紊如水益下母或聖德猶
有所虧欠於一誠字工夫而然耶純亦不已乃是
文王之極工匠之期望於殿下宣在文王之下
其深留聖念益加勉焉上曰此予頂門上一
針雖衰銘念矣工曹判書邊致明曰悠悠萬事無
過保壽俄者重臣亦以節宣仰陳其所節宣亦有
其道當此百隸怠慢之時庶政萬幾無不勤勵
聖工蓋在於自強矣自強不已即天道也人君之

體天行道實為威德而殿下之勤勵太過過用
聰明此實有損於保壻近當寒殿連開法講豈不
欽仰而恐非節宣之道昨日海儒處分亦非忙急
之事而深夜殿座亦有玉體傷損之慮此後
施措之節勿為忙急而益加節宣是臣之望矣
上曰達功非達功卿言即達功矣行副司直沈星
鎮曰保壻聖躬千萬顯祝而殿下每多雷厲
風飛之時臣竊憂之伏乞愛惜精神保壻為念焉
上嗚咽曰經懷舊臣其言嘉矣雖衰銘心矣行副
司直李吉輔曰聖心奮勵連講小學實仰大舜

五十之慕衛武九十之戒又於今日特行耆耋朝
叅實是史牒之所罕伏願益勵聖志毋使今日
之舉徒觀美之歸而已焉上曰卿言略而盡矣
司直韓濟曰日新明德即人君萬化之源惟殿
下勉之哉上曰老而好學如明燭甬其明德輔
我不逮矣副司果李明吾曰觀今治化已有三代
之風而猶欠熙皞之治此不得賢才之致惟才是
用然後可做熙皞之治益加勉於收拾人才之道
焉上曰近於古談好矣輔德柳善養曰聖上
休明之治與堯舜同節宣保壽如天保章如日之

升如月之恒是臣所望矣 上曰善矣禮畢退出
上幸於義宮歷臨耆老所行耆耆講

二十一日 上幸於義宮傳曰 靈壽閣當歷臨

行者耆耆講矣還宮時詣 靈壽閣展拜後 教曰

耆社諸臣持小學入侍耆臣知中樞府事李益炆
南泰齋行副司直沈星鎮金始煥李吉輔工曹判
書邊致明以次進伏 上讀題辭命耆臣各讀一

大文耆臣讀訖 上曰各陳文義益炆曰 殿下

平日用工即一部小學文義別無可陳而此夜方
深母北風露連為 還宮是乃好文義矣 上笑

曰卿志可尚仍 教曰夜深耆社臣文義置之即
使退休 命耆傳教曰今日耆耆講入叅六人各
半熟馬一匹賜給

四十六年庚寅正月耆社臣偕老人加給歲饌

正月耆臣還致明回色禮將行 上聞之傳教曰

耆社臣中夫妻同在人歲饌先為加給重婚之需
亦令今日內輸送

二月 上御崇政殿行耆耆講

初七日 上御崇政殿耆社諸臣侍從臣太學儒
生年八十七人入侍耆臣和中樞府事李益炆

行司直南泰齋沈星鎮金始煥李之億李光溥徐
命臣邇致明侍從臣李長夏李廷詰鄭基安李鉉
玉趙台祥李奎應申一清兵曹叅議洪啓遠五衛
將申銅儒生李景和李聖源徐世潢以次進伏
上讀小學篇題教曰老人氣力不可多讀只以
二大文讀之益炆進讀恭齋次之綱進讀上曰
年幾何綱曰八十一矣上曰陳文義綱曰別無
文義治平之道盡在此矣啓源進讀上曰年幾
何啓源曰七十六矣上曰陳文義啓源曰今讀
小學而諸臣與其子弟元無小學之道自此以後

實為小學之道焉一清進讀 上曰此則以待從

臣近為加資文義善為之始煥進讀 上曰今亦

確矣光溥進讀 上曰年幾何光溥曰七十七矣

上曰最老矣命臣進讀 上曰此則少矣致剛之

億次第進讀訖之億曰灑掃應對八孝出恭皆是

小學之道而小學者八歲人生之學推之則至於

大學治國平天下之道 殿下以小學之教下於

一國內以化成俗焉 上曰最好矣長夏進讀

上曰陳文義長夏曰別無文義矣廷詰進讀 上

曰陳文義廷詰曰小學之方自兒時為之矣 殿

下以此為勉而修齊治平之道在此益加勉焉基
安進讀 上曰陳文義基安曰別無文義之可陳
者矣台祥進讀 上曰陳文義台祥曰別無文義
矣奎應進讀 上曰其聲音強健矣鉉玉進讀
上曰此亦耆老科耶尚得曰非也草龍珠帳壯元
矣奎應曰今之讀小學者元無實效自此以後以
小學之教行八道焉聖源進前 上曰何處人耶
聖源曰居稷山矣 上曰年幾何聖源曰七十五
矣 上曰汝所讀箴銘頌之聖源誦夙夜箴景
和進前 上曰年幾何何在景和曰年七十五居

安山矣讀初大文世漢進前 上曰年幾何居何

地世漢曰年七十居肅川矣 上曰今餘幾大文

耶尚得曰三大文矣 上曰然則南恭肅徐命臣

遣致明三人讀之以次進讀訖 命書傳教曰昨

夜興懷今朝此舉而噫七十一歲建明門行者老

科今七十七歲崇政殿行者著著講此誠千千萬萬

料表今日君臣為童子講豈可講誦而上乎八侍

著社之臣各賜表裏其餘金玉人育於各賜帛一

疋申綱年過八十依著社臣例具表裏賜給以示

予意行司直等之億所奏可謂其本令禮曹申飭

諸道勸課小學莫使今日之舉為文具洪啓達所
奏亦甚端的其先今日入侍者著諸臣勸子弟與
孫而俾有實效仍教曰著社諸臣所賜之物各
賜其家其令退休以次退出

十二月 命行耆老所廢貶

耆司初無廢貶之例而 上申飭各司廢貶亦令
耆司行之自其後每當夏冬殿宴之時諸耆臣赴
坐結髮反映觴咏以娛歲以為常亦西樓一勝事
也

四十七年辛卯三月諸耆臣因事詣闕聯劄

時上因一山林疏激怒使大小公事留院有部
湯劑去微蹙之命諸耆臣相率詣闕聯劄

上批曰予志固定卿等各安其年是日卿等有疏
皆無下答楮於耆臣之疏有此批旨亦異數也
按是日聯劄副本耆臣座目並無以考闕而不

載

九月上御集慶堂召見耆社諸臣宣饌

二十一日下備忘記曰二十二日世孫生辰其日

有飲食欲賜諸耆堂使之入來是日上御集慶

堂召見耆臣耆臣李益炆南恭新南有容安允行

邊致明進伏

上曰耆社諸臣進前可也蓋炆等

以次進前

命宣饌仍

教曰分饌持歸傳遺老

夫人命都承旨魚錫定書金始煥疏批

教曰金

始煥家入耆社者六人乎致明曰然矣

上曰今

耆耆古耆耆其誰書賜靜而思之予心愴然耆何

則噫故金左相若魯年纔六旬聞此報其時予自

謂曰此同庚美八字云而故李右相瑊戊辰節愾

圻楊時予亦謂此同庚其初唱第事予九年之內

一則東郊以兵房承旨隨駕善周旋特資腰金正

卿拜相皆非常例今作故相噫一相幾年協贊調

劑一相亦然而此受於其兄古今舉措豈特思良
相予意一倍祭文俱製下金左相家令本道致祭
李右相家遣左承旨致祭以表此意

十二月 上御集慶堂親行耆社殿最

初十日 上御集慶堂行宸對台見耆社諸臣判
敦寧李益炆知事南恭新司直安允行邊致明尙
直官宋東胤金履權藥房洪履圭進伏 上各舉
其筋力乘健為等第親自呼囑益炆承 命書之
以寓諧謔 天笑藹然終夕為懽仍 命將此貺

題藏于耆英館又 命東胤履權各誦其登科講

章 命退諸耆臣相率下堂山呼而退

判敦寧李益炆 能飯一器又飲人乳 下

知事 南恭齋 老而不衰可謂異常 中

安允行 年踰八耋可謂稀有 上

邊致明 老猶精強深以為壯 中

守直官宋東胤 講久能誦其誠又嘉 上

金履權 講誦雖善宜觀來勤 上

藥房洪履圭 宜付其堂予何當諭

四十八年壬辰正月 上御集慶堂召見耆堂宣饌

賜詩

初三日 上御集慶堂召見耆社諸臣耆臣左議
政韓翼蕃判敦寧李益炆知事南泰齊司直安允
行沈星鎮金始煥遣致明趙榮進以次進伏翼蕃
進前問 候訖 上命取汪書鉤硯書下 御製
一句詩命八侍諸臣廣進諸臣即席廣進仍 命
宣饌 教曰行司直趙榮進知中樞除授若無案
作案筆付今日內舉行

二月 上幸耆老所受耆臣進饌

時諸上司有進饌之舉耆司亦進饌二十八日

上與 世孫親臨耆司展拜于 靈壽閣仍詣耆

英館耆臣左議政韓翼墓行司直安允行沈星鎮
金始燦邊致明李光溥知事趙榮進高夢聖以次
進伏翼墓請進饌 上命持入又命吹笛 大朝
進三卓 小朝進三卓 王世孫進爵諸臣以次
進爵又山呼既擬床 上下御製命廣進 命書
傳教曰今日耆社諸堂中大臣廐馬一匹面給諸
堂各熟馬一匹面給知中樞李益姪不參予心悵
然一體熟馬一匹面給以表予意入直郎廳陞叙
奉所藥房兒馬一匹賜給貧役熟手令該曹米布
題給又 教曰上老老而民興孝飽背黃者皆首

年舊臣也勿論士庶年七十八十奉老親者令該
曹賜饌需暗令奠酌其親翌日諸耆臣聯名疏辭
錫馬之典 批以安意領受時 上先受政府進
饌於德游堂樞府樞府著司廚院以次進饌五日
而遍適國初故事也

七月 上御集慶堂召見耆社諸臣賜詩

初九日 上御集慶堂召見耆臣知事南泰齊判
教寧李益炆司直安允行沈穀俞彥述邊致明沈
星鎮以次進伏 上命致明進前 教曰卿為回

婚禮其心如初婚時而樂乎致明曰偕老周甲豈

不樂乎 上曰鴈鴈夫等事皆為之乎致明曰
依樣矣 上謂彥述曰乘輜而來乎彥述曰未及
矣 上曰高夢聖謝恩時來之云矣 上曰沈毅
與安允行同年矣又 教曰予於今日為耆社古
風諸臣以次下去立庭五耆臣先下 上曰此盛
舉也都承旨韓必壽曰善為謔乎不為謔乎先下
五臣奏曰既立庭請以臣等壽祝 聖筭今將山
呼矣 上曰是何言也勿為之五臣仍為山呼允
行致明以年歲稍長依先生例獨不使下堂致明
曰諸耆臣皆下庭山呼臣何獨不為乎 上微笑

致明允行亦下庭齋聲山呼 上曰此亦予太康
也仍命復以年次呼新來而陞堂以 御筆書下
一句詩使之廣進自耆社粧帖以進各賜表裏一
襲米太魚肉以示暮年待耆耆之意

耆社諸臣陪進廣載帖

諸耆臣以昨日所被恩數實為史牒所罕有亦是
曠世之榮寵乃於望朝齊會社中粧廣載帖陪進
以獻越六日會耆社設宴命韻賦詩以續香洛故
事

十月 上御景賢堂召見耆臣講大學衍義

二十一日

上御景賢堂召見耆臣領議政韓翼

謩判敦寧李益炆知事南恭濟行司直安允行沈

星鎮邊致明禮曹判書沈穀刑曹判書趙深進行

司直高夢聖都承旨李淮左承旨李宅鎮假涯書

金重燮記事官柳雲則柳深鎮以次進伏 上曰

金判府事入未乎淮曰八未矣 上曰八侍判府

事金尚詰進伏 上曰大臣坐東耆堂坐西 王

世孫侍坐交椅之東翼謩請先訖 淮 上曰置

之教曰大學衍義持入乎淮曰持入矣 命開卷

上讀自堯典曰若稽古至於殷時雍教曰只令耆

堂以次讀之益炷讀之 上曰其聲老矣坐以年

次乎益炷曰以爵次矣恭新繼讀允行又讀之

上曰年後何允行曰八十一矣 上曰精矣星鎮

讀之 上曰年幾何星鎮曰七十八矣 上曰能

過八十矣沈敬讀之 上曰年幾何敬曰七十八

矣 上曰實矣致明讀之 上曰年幾何致明曰

八十矣崇進讀之 上曰最實矣夢聖讀之 上

曰精矣足以行步乎夢聖曰然矣 上曰前見者

老時故相李承城有乞言之請而今若乞言必進

他言只欲共食一器麪矣尚結進前曰 聖體若

何上曰一樣矣尚詰曰此可謂九老會矣翼翼
曰臣之侍講三十年矣諸臣之音聲終不能隱其
年而玉音之洪亮不異於三十年前蓋不勝欣
幸之至蓋炆曰臣仰瞻天顏已久矣今日仰瞻
天顏且聞玉音殆勝於昔日不勝歡抃矣上
曰八十欲諂乎蓋炆曰臣語訥氣短不可以口達
故略構短章仰陳衷懇矣進伏讀奏其加資上
曰欲誇加資矣蓋炆盡讀曰此是天理人情之可
已者乎上賜允從焉臣則無飲食之思雖碎首
丹墀准請乃已矣泰齊曰此是蒼蒼與祖宗眷

頤默佑有此萬古無疆之慶也蒼蒼祖宗之眷
頤大節也殿下之撫譙小節也不可以撫譙之
小節廢蒼蒼祖宗眷頤之大節且殿下之譙
私也臣等之請公也亦不可以私掩公坐賜允
從焉上頤謂尚誌曰卿則必抑鬱而入坐矣尚
誌曰往牒未知如臣等之際會也叩謝之忱豈不
欲趨即入謝而適有拘馬之疾今始入謝不勝惶
悚而從傍見其劄語則雖不能盡意而乃是上下
輿僎之秉彜所同伏望允從焉尚誌曰洪範亦云
卿士從庶民亦從此乃至誠之同雖問於童蒙亦

無異矣。崇進曰：「殿下之揚譙私也，臣等之請公也。此乃一國臣民之至誠至願矣。」星鎮曰：「以今日講章觀之，格于上下，乃上下相孚之效也。」上曰：「予有平章百姓之效乎？」堯之允恭克讓，予欲為法矣。」星鎮曰：「克讓乃當讓而讓，不當讓而不讓矣。」致明曰：「今日此事不必以他辭仰陳。雖以今日講章言之，堯之所以為治，近自九族，遠至百姓，上下情志流通，以至於放廢時雍之境。今殿下治法堯舜而朝廷之上情志相阻而不相孚，如此何以致時雍之化乎？」古人有國鬱之語，其言曰：「人情有願。」

而不得伸則鬱人鬱則其國鬱其國鬱則天地之和不應此言雖非為如此事而言人情之不伸一國之同鬱則一也 殿下何不念及於此而道衆固拒以傷上下之情志乎諸臣所請決非久為相持之事亟賜 允從焉 殿曰 殿下視作一己之私實不勝悶迫矣 上曰都是誤入於時體矣 榮進曰人臣事君之道豈可時體乎 星鎮曰人情不通則鬱鬱則天地之和不行何不體念乎 益炏曰聖考癸巳亦有已行之例矣 上曰此是癸巳乎 益炏曰一陽生則便是癸巳也 榮進曰前已纔纔

仰達矣若逢矣已則即當允許而若是靳尤不勝
抑鬱矣上曰食為大速為就座翼蓐曰公私之
言尤為切當矣尚結曰今觀此會此饌臣不敢當
矣上曰何傷乎承史亦食矣宣饌訖命上紙
筆書下御製詩曰耆耆同會芳傳美萬千何敢
宴儀芳追慕乎先予心金石方可守億年命
八侍諸臣廣進作帖一件內入一件入于東宮各
給一件於諸臣翼蓐請進湯劑上曰食肉不飲
酒傷人代酒將來可也進湯劑後命書判敦寧
劄批曰將以還之矣蓋炆曰臣則准請乃已大臣

方入侍來曰則將始賓降云矣翼謩曰雖欲仰體
上教而其於誠心之藎不能自抑矣恭濟曰此亦
殿下一已之私臣等謹當導達誠意准請乃已者
也 上曰至於九十百歲則其將年年而受乎翼
謩曰可勝言哉 上曰末年則推恩自可舉行矣
恭濟曰 上既不受則下豈受乎榮進曰乞賜
先從俾展羣下之至情焉 上曰速為退休益炆
曰亟降俞音焉此是與僎之所共願望者也 上
曰此亦時體與僎下賤何以知之恭濟曰人心所
到天意可知矣榮進曰下賤亦以為上奉八十

君父不請尊號若是奔走乎譏斥之論往往有之
矣且古行於癸巳今日之請亦貴矣此乃繼述中
尤為繼述者也 上曰其言則懇到矣為人臣而
若不請此則無異於戊申乙亥之類而予志則固
矣崇進曰退可以盡臣等之道矣蓋炆願領相曰
臣等之先退是乎大監得請乃已焉遂退出

十二月 上御集慶堂召見耆社諸臣

傳曰歲律將暮欲見耆臣使之未待諸耆臣承
命入侍各詢起居 教曰耆臣歲饌外各賜米肉
以表予意



